

# PABRON<sup>®</sup> SN TABLET

*Triprolidine hydrochloride 2.5mg, Pseudoephedrine hydrochloride 60mg, Guaifenesin 100mg*

## **Apakah yang ada pada risalah ini?**

Risalah ini menjawab beberapa soalan lazim tentang PABRON SN TABLET. Ia tidak mengandungi semua maklumat yang tersedia. Ia juga tidak menggantikan tempat ahli farmasi atau doktor anda.

Semua ubat mempunyai risiko dan manfaat. Ahli farmasi atau doktor anda telah mempertimbangkan risiko anda mengambil PABRON SN TABLET berbanding manfaat yang mereka jangka untuk anda.

**Jika anda mempunyai sebarang kemusykilan tentang pengambilan ubat ini, tanya ahli farmasi atau doktor anda.**

**Simpan risalah ini bersama ubat.** Anda mungkin perlu membacanya lagi.

## **Apakah kegunaan PABRON SN TABLET?**

PABRON SN TABLET digunakan untuk melegakan gejala-gejala selesema, hidung dan sinus tersumbat, dan batuk yang berkahak.

## **Bagaimana PABRON SN TABLET berfungsi?**

PABRON SN TABLET mengandungi bahan-bahan aktif Triprolidine HCl, Pseudoephedrine HCl dan Guaifenesin. Setiap tablet mengandungi 2.5 mg Triprolidine HCl, 60 mg Pseudoephedrine HCl dan 100 mg Guaifenesin.

**Triprolidine** ialah sejenis antihistamin yang membantu menghentikan bersin, hidung berair dan mata berair.

**Pseudoephedrine** ialah sejenis pelega yang melegakan hidung tersumbat dan masalah sinus.

**Guaifenesin** ialah sejenis ekspektoran yang membantu mengurangkan lendir di dalam tekak dan dada anda.

**Tanya ahli farmasi atau doktor anda sekiranya anda mempunyai sebarang pertanyaan tentang ubat ini.**

## **Sebelum mengambil PABRON SN TABLET**

*Bila tidak boleh mengambil*

**Jangan mengambil PABRON SN TABLET sekiranya:**

- Anda alah (hipersensitif) kepada Triprolidine HCl dan Pseudoephedrine HCl dan Guaifenesin atau kepada apa-apa bahan lain di dalam ubat ini.
- Anda mengambil ubat lain yang mengandungi Triprolidine HCl, Pseudoephedrine HCl dan Guaifenesin.
- Anda sedang mengambil ubat yang dipanggil perencat monoamina oksidase (MAOI-sejenis anti-kemurungan) dalam tempoh 14 hari yang lalu.
- Anda mengalami tekanan darah yang amat tinggi atau penyakit jantung yang teruk.

*Sebelum mula mengambil*

Maklumkan ahli farmasi atau doktor anda:

- Jika anda mempunyai masalah tekanan darah tinggi atau penyakit jantung, diabetes, kelenjar tiroid terlalu aktif, glaukoma (tekanan meningkat di dalam mata), masalah prostat (kesukaran membuang air kecil atau perlu

kerap membuang air kecil), gangguan fungsi ginjal dan hati.

- Jika anda sedang mengambil apa-apa ubat lain: Sedatif (ubat yang digunakan untuk merawat keresahan dan tekanan). Antihipertensi (ubat yang digunakan untuk merawat tekanan darah tinggi misalnya guanethidine, metildopa, penyekat alfa dan beta, debrisoquine, bretylium dan betanidine). Ubat simpatomimetik (perangsang atau penahan selera makan dan ubat yang digunakan untuk merawat masalah penyumbatan dan asma). Antimurung trisiklik (digunakan untuk merawat kecelaruan mood).

**Kehamilan dan penyusuan badan:**

- Tiada rekod menunjukkan ubat ini selamat digunakan semasa kehamilan dan laktasi (penyusuan).
- Tanya doktor atau ahli farmasi anda untuk mendapatkan nasihat sebelum pengambilan ubat ini sekiranya anda hamil atau menyusu badan.

*Jika mengambil ubat-ubat lain*

**Maklumkan ahli farmasi atau doktor anda sekiranya anda sedang mengambil apa-apa produk lain (misalnya ubat yang dibeli tanpa preskripsi doktor, ubat yang dipreskripsikan dan produk-produk herba).**

## **Cara menggunakan PABRON SN TABLET**

*Berapa banyak harus digunakan*

**Dewasa dan kanak-kanak yang berumur melebihi 12 tahun:**

Ambil 1 tablet selepas makan, 3-4 kali sehari atau setiap 6-8 jam.

**Jangan berikan ubat ini kepada kanak-kanak yang berumur bawah 2 tahun.**

Rujuk kepada doktor anda sekiranya anda ingin memberikan ubat ini kepada kanak-kanak yang berumur antara 2 hingga 12 tahun.

***Bila perlu digunakan***

Ambil ubat ini selepas makan.

***Berapa lama perlu digunakan***

Rujuk kepada doktor anda sekiranya gejala-gejala anda tidak bertambah baik selepas 7 hari rawatan, atau sekiranya anda mengalami demam berserta sakit kepala atau gejala-gejala lain.

***Jika terlupa menggunakan***

Ambil dos yang terlepas sebaik sahaja anda mengingatnya.

Jika ia menghampiri waktu untuk dos anda yang berikutnya, langkau dos yang terlepas dan ambil ubat pada waktu berjadual tetap yang berikutnya.

Jangan menggandakan pengambilan dos untuk menggantikan dos yang ketinggalan.

***Jika mengambil berlebihan (terlebih dos)***

Jika anda mengambil terlalu banyak ubat ini, rujuk kepada doktor atau ahli farmasi anda. Bawa sebarang baki ubat bersama anda.

---

**Semasa menggunakan PABRON SN TABLET**

---

***Perkara yang perlu dilakukan***

**Jika anda bersedia untuk memulakan pengambilan ubat baru yang lain, maklumkan ahli farmasi atau doktor anda yang anda sedang mengambil PABRON SN TABLET.**

***Perkara yang tidak boleh dilakukan***

**Jangan minum alkohol (minuman keras) semasa mengambil PABRON SN TABLET.** Kesan sedatif alkohol mungkin meningkat.

**Jangan mengambil lebih daripada dos yang disyorkan melainkan dibenarkan oleh doktor anda.**

***Perkara yang perlu diberi perhatian***

**Ubat ini boleh menyebabkan rasa mengantuk dan menjejaskan prestasi dalam ujian kewaspadaan auditori pada segelintir orang.** Jika perkara ini terjadi, jangan memandu atau mengendalikan mesin/ jentera.

---

**Kesan-kesan sampingan**

---

PABRON SN TABLET boleh mendatangkan kesan sampingan yang tidak diingini pada segelintir orang. Semua ubat boleh mendatangkan kesan sampingan. Kadang kala ia serius, walau bagaimanapun, kebiasaannya ia tidak serius.

Kesan sampingan berkemungkinan yang berkaitan dengan rawatan jarang dilaporkan: mengantuk, insomnia, mulut kering, kabur penglihatan, sembelit, tremor (gementar), keresahan, kerengsaan, kegelisahan, loya, muntah, gangguan gastrousus.

Hentikan pengambilan ubat ini sekiranya anda mengalami: palpitasi (degupan jantung bertambah laju), masalah prostat, mungkin sukar membuang air kecil, ruam kulit.

Jika anda mengalami mana-mana kesan sampingan ini, walaupun yang tidak dinyatakan di dalam risalah ini, maklumkan doktor atau ahli farmasi anda.

Anda boleh melaporkan sebarang kesan sampingan atau kesan advers ubat terus kepada Pusat Pemantauan Kesan Advers Ubat Kebangsaan

melalui No. Tel: 03-78835550, atau laman web [portal.bpfk.gov.my](http://portal.bpfk.gov.my) (*Consumers → Reporting*).

---

**Cara penyimpanan dan pelupusan PABRON SN TABLET**

---

***Penyimpanan***

**Simpan di bawah suhu 30°C. Simpan di tempat kering dan sejuk serta terlindung daripada cahaya.**

**Simpan jauh daripada jangkauan kanak-kanak.**

***Pelupusan***

Lupuskan ubat selepas tarikh luput. Sila dapatkan nasihat ahli farmasi tentang cara pelupusan sebarang ubat yang tidak digunakan lagi.

---

**Maklumat lanjut**

---

***Rupa dan warna PABRON SN TABLET***

PABRON SN Tablet adalah tablet berwarna merah jambu, berbentuk bujur, diukir dengan perkataan "TAISHO" pada satu bahagian dan bergaris di tengah pada satu bahagian yang lain.

PABRON SN TABLET boleh didapati dalam bentuk 10 tablet x 10 pek lepuh (Alu-Alu) sekotak.

***Bahan-bahan kandungan***

Bahan-bahan aktif:

Setiap tablet mengandungi 2.5 mg Triprolidine HCl, 60 mg Pseudoephedrine HCl dan 100 mg Guaifenesin.

Bahan-bahan tidak aktif:

Magnesium stearat, Aerosil 200, Kanji Natrium Glikolat, Air Tulen, Ponceau 4R, Etanol, Selulosa, Kanji Jagung, Povidone 30, Karmoisin Supra, Asid Sitrik, Kalsium Karbonat, FD dan C Biru

**Number MAL: MAL12015001AC**

**Pengilang**

OLIC (Thailand) Limited  
166 Moo 16, Bangpa-In Industrial  
Estate, Udomsrayuth Road,  
Bangkrason, Bangpa-In, Ayutthaya  
Province 13160, THAILAND.

**Pemegang Pendaftaran Produk:**

HOE Pharmaceuticals Sdn. Bhd.  
Lot 10, Jalan Sultan Mohd. 6,  
Bandar Sultan Suleiman,  
42000 Port Klang, Selangor,  
MALAYSIA.

**Tarikh kemaskini RiMUP**

26/04/2013